



08-05-2026
P. Dž.
Poh

Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

Bosna i Hercegovina
Federacija Bosne i Hercegovine
J.U. "KANTONALNI CENTAR ZA SOCIJALNI RAD" SARAJEVO

Broj: 01-04-24273-13/26
Sarajevo, 05.05.2026. godine

Broj:
Datum: 05.05.2026. god

JU "KANTONALNI CENTAR ZA SOCIJALNI RAD" SARAJEVO
Ul. Gatačka 80

PREDMET: Zastupničko pitanje, dostavlja se -

Zastupnica Danijela Kristić na 30. radnoj sjednici Skupštine Kantona Sarajevo, održanoj dana 05.05.2026. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je **zastupničko pitanje** koje vam u prilogu dostavljamo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Dženita Džebović
Kontrolisala: Amela Smilagić-Čamdžić



PREDSDJEDAVAJUĆI
SKUPŠTINE KANTONA SARAJEVO

Edin Okerić

CO:
- sekretar SKS
- sekretar Vlade

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

KANTONALNI CENTAR ZA SOCIJALNI RAD

PREDMET: ZASTUPNIČKO PITANJE

Da li centri za socijalni rad, u slučajevima kada je jednom od roditelja izrečena mjera zabrane prilaska, zabrane uznemiravanja ili druge zaštitne mjere zbog nasilja u porodici, organizuju preuzimanje i predaju djeteta u službenim prostorijama centra ili pod nadzorom stručnih službi, radi zaštite sigurnosti djeteta i drugog roditelja?

Ukoliko takva praksa nije sistemski uređena, da li nadležno ministarstvo planira uspostaviti jedinstven protokol kojim bi se u svim rizičnim slučajevima omogućila sigurna razmjena djeteta u kontrolisanim uslovima i uz prisustvo stručnih osoba?

Sarajevo 04.05.2026.godine

Zastupnica u Skupštini KS

Danijela Kristić

**BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
SARAJEVO, Gatačka 80**

Broj:31-03/01-530-1273.4/26

Datum: 01.06.2026. godine

**SKUPŠTINA KANTONA SARAJEVO
n/r PREDSEDAVAJUĆEG SKUPŠTINE KANTONA SARAJEVO
Ul. Džemaludina Čauševića br.1
Sarajevo**

Predmet: Odgovor na Zastupničko pitanje zastupnice Danijele Kristić, dostavlja se

Zastupnica Danijela Kristić je na 30 radnoj sjednici Skupštine Kantona Sarajevo, održanoj dana 05.05.2026.godine, u okviru tačke Dnevnog reda "Poslanička/zastupnička pitanja, inicijative i odgovori" postavila zastupničko pitanje "Da li centri za socijalni rad u slučajevima kada je jednom od roditelja izrečena mjera zabrane prilaska, zabrane uznemiravanja ili druge zaštitne mjere zbog nasilja u porodici organizuje preuzimanje i predaju djeteta u službenim prostorijama centra ili pod nadzorom stručnih službi, radi zaštite sigurnosti djeteta i drugog roditelja? Ukoliko takva praksa nije sistemski uređena da li nadležno ministarstvo planira uspostaviti jedinstven protokol kojim bi se u svim rizičnim slučajevima omogućila sigurna razmjena djeteta u kontrolisanim uvjetima uz prisustvo stručnih osoba"

U skladu sa odredbama Poslovnika Skupštine Kantona Sarajevo (Službene novine Kantona Sarajevo" broj:41/12-Drugi prečišćen tekst, 15/13, 47/13, 47/15, 48/16, 9/20, 14/20, 16/22, 17/22-Ispravka I 47/24) i uskladu se Vašim dopisom brojem 01-04-24273-13 od 05.05.2026.godine dostavljamo Vam

Odgovor na postavljeno pitanje

U odnosu na organizovanje preuzimanja i predaje djeteta u slučajevima kada je jednom od roditelja izrečena mjera zabrane prilaska, zabrane uznemiravanja ili druge zaštitne mjere zbog nasilja u porodici, ističemo sljedeće:

U praksi centara za socijalni rad/općinskih službi socijalne zaštite, pitanja ostvarivanja kontakta djeteta sa roditeljem kojem su izrečene zaštitne mjere procjenjuju se individualno, u skladu s najboljim interesom djeteta, procjenom sigurnosnog rizika, uzrastom i potrebama djeteta, kao i sadržajem i vrstom izrečenih zaštitnih mjera.

U slučajevima kada stručni tim procijeni da roditelj kojem su izrečene zaštitne mjere ne predstavlja direktnu ugrožavajuću okolnost za dijete, te ukoliko dijete izražava želju za održavanjem kontakta s tim roditeljem, centri za socijalni rad/općinske službe socijalne zaštite nastoje organizovati ostvarivanje kontakata na način koji će osigurati zaštitu drugog roditelja i poštivanje izrečenih mjera. U takvim situacijama preuzimanje i predaja djeteta se, prema procjeni stručnih radnika i mogućnostima službe, mogu realizovati uz medijaciju stručnog radnika centra za socijalni

rad/općinskih službi socijalne zaštite, kako bi se izbjegao direktan kontakt roditelja i osiguralo poštivanje zaštitnih mjera, a istovremeno omogućilo djetetu ostvarivanje prava na kontakt sa drugim roditeljem.

Međutim, potrebno je naglasiti da navedena praksa trenutno nije sistemski i jedinstveno uređena na nivou Federacije Bosne i Hercegovine kroz poseban protokol ili podzakonski akt koji bi precizno definisao način organizovanja sigurnih razmjena djeteta u svim rizičnim slučajevima. Također, od donošenja Zakona o zaštiti od nasilja u porodici i nasilja nad ženama u Federaciji BiH još uvijek nisu doneseni odgovarajući podzakonski akti koji bi detaljnije uredili postupanje centara za socijalni rad i službi socijalne zaštite u ovim situacijama. Istovremeno, JU "Kantonalni centar za socijalni rad"/općinske službe socijalne zaštite na području Kantona Sarajevo, suočavaju se sa značajnim nedostatkom stručnih i prostornih kapaciteta za kontinuirano i sistemsko provođenje nadziranih primopredaja djece u svim predmetima visokog konflikta i nasilja u porodici. Stručni radnici, prvenstveno psiholozi, socijalni radnici, pedagozi i pravnici, pored rada na predmetima nasilja u porodici, istovremeno obavljaju i veliki broj drugih poslova iz nadležnosti centara za socijalni rad, uključujući porodično-pravnu zaštitu, zaštitu djece bez roditeljskog staranja, savjetodavni rad, rad sa porodicama u riziku i druge složene stručne postupke.

Zbog navedenog, mogućnosti službi da organizuju kontinuirane i intenzivne nadzirane kontakte i primopredaje djece često zavise od raspoloživih kadrovskih i organizacionih kapaciteta pojedinačne službe.

S poštovanjem,

Dostavljeno:

1. naslovu
2. a/a


DIREKTOR
Draženka Osmanspahić, Mr.socijalnog rada